

程






原件短缺

缺1.2頁



韋蘇州集序

韋蘇州唐史不載其行事林寶姓纂云周道遙公曼之後左僕射扶陽公待價生司門郎中令儀令儀生鑾鑾生應物應物生監察御史河東節度掌書記慶復李肇國史補云爲性高潔鮮食寡欲所居焚香掃地而坐其爲詩馳驟建安已還各得風韻詳其集中詩天寶時扈從遊幸疑爲三衛末泰中任洛陽丞京兆府功曹大曆十四年自鄆縣令制除櫟陽令以疾辭歸善福精舍建中二年由前資除比部員外郎出爲滁





州刺史改刺江州追赴闕改左司郎中貞元初  
又歷蘇州罷守寓居永定精舍其後事迹究尋  
無所見肇又云開元以後位卑而著名者李北  
海王江寧李館陶鄭廣文元魯山蕭功曹張長  
史獨孤常州崔比部梁補闕韋蘇州以集中事  
及時人所稱考其仕宦本末得非遂止於蘇邪  
案白居易蘇州荅劉禹錫詩云敢有文章替左  
司左司蓋謂應物也官稱亦止此有集十卷而  
綴叙猥并非舊次矣今取諸本校定仍所部居  
去其雜廁分十五總類合五百七十一篇題曰

韋蘇州集

舊或云古風集別號澧  
上西齋吟藁者又數卷

可以繕寫嘉

祐元年十二月二十二日太原王欽臣記



韋蘇州集目錄

蘇州刺史

應物

應物

蘇州刺史

卷第一

古賦

冰賦

雜擬

擬古詩十二首

雜體五首

與友生野飲效陶體效何水部二首

效陶彭澤

燕集



會李四栖梧作

燕李錄事一首

會梁川故人

盧耿主簿

賈常侍林亭燕集

月夜草堂

移疾會詩客

慈恩伽藍清會

夜偶操公作

會王祠曹宅

晦日燕集

扈亭西陂燕賞

西郊燕集

春宵燕南館

滁州園池

郡樓春燕

南塘泛舟

郡齋雨中

軍中冬燕

司空主簿琴席

與村老對飲

卷第二

寄贈上

城中卧疾贈闍薛

寄深上人

寄三原盧少府

假中對雨

贈蕭河南

示從子

趨府候曉

贈李儋

贈盧嵩

寄馮著

早春對雪

贈王侍御

寄李十九儋

黃河即事



寄盧庾

發廣陵

寄元大校書

寄廣陵親故

寄洪州幕

寄都邑親友

寄子西

雪中寄李儋

養疾

雨後

贈元侍御李博士

使雲陽寄府曹

過扶風精舍舊居

贈令狐士曹

贈馮著

對雨寄韓庫部協

寄子西

縣內閑居贈溫公

對雪贈徐秀才

西郊遊宴

對雨

休沐東還

朝請後還邑

潯上西齋

獨遊西齋

紫閣東林居士叔緘賜松英丸捧對忻喜

詩代啓

秋集罷還途中

閑居贈友

登覽悲舊

善福閣對雨

寺居獨夜

九日澧上作

寄西郊養疾暢校書

澧上寄幼遊

善福精舍示諸生

晚出澧上



寓居澧上精舍

開元觀懷舊

春日郊園

澧上醉題

西郊期條不至

澧上對月

將往滁城

還闕首途

秋夜南宮

塗中書情

雪後下朝

卷第三

寄贈下

寄韓司戶

寄令狐侍郎

閑居寄端及重陽

園林寄昭應韓明府

寄大梁諸友

新秋夜寄諸弟

郊園聞蟬

寄中書劉舍人

郡齋感秋

郡中對雨

冬至夜

元日

寄劉郎中

社日

寒食日

贈李儋侍御

寄楊協律

郡齋贈王卿

楊詩附

簡恒瓌

閑居寄諸弟

登樓寄王卿

寄暢當

贈崔貞外

寄李儋元錫



京師叛亂寄諸弟

贈琮公

寄諸弟

寄恒璨

簡郡中諸生

寄山中道士

寄釋子

重寄

荅釋子送酒瓢

簡陟巡達三甥

覽褒子卧病題示首

寄璨師

寄盧陟

塗中寄楊邈

寄璨律師

雪行寄褒子

寄裴處士

示釋子恒璨

示全真元常

寄劉尊師

寄廬山機衣居士

與從姪成緒遊山水中道先寄示

寒食寄京師諸弟

歲日寄李端武等

簡盧陟

西澗即事示盧陟

登郡樓寄淮南子弟

寄黃尊師

寄黃劉二尊師

秋夜寄丘負外丘詩附

贈丘負外丘詩附

贈李判官

寄皎然上人

贈舊識

寄丘負外

劉負外

寄淮上綦毋三

寄二嚴



卷第四

送別

送李主簿

送崔押衙

送宣城路錄事

送李山人東遊

送李二歸楚州

送閻宋赴東川辟

送令狐岫宰恩陽

送馮著

送元倉曹

送唐明府

喜於廣陵拜觀家兄奉送還池州

送張八元秀才

送張侍御

送盧耿赴任

送鄭述誠

餞雍聿之潞州

與送李幼

送韓丞東遊

送鄭長源

送李儋

送李渭士曹

留別洛京親友

送從叔象

送榆次林明府

雜言送黎六郎

別子西有道

送黎少府赴陽翟

送別覃孝廉

送開封盧少府

送槐廣落第歸揚州

送汾城王主簿

送崔主簿

送顏司議

奉送從兄宰晉陵

贈別河南李功曹



送趙隨廣德尉

宴別幼遐與君貺兄弟

送宣州周錄事

謝櫟陽令歸西郊

送李端東行

送姚係還河中

別善福精舍

送常侍御

送郝詹事

送蘇評事

送李益侍御赴幽州幕

留別朋友兼示諸弟

送元錫楊凌

別楊氏女

別中第一作送 崔爾懿

寄別李儋

送倉部蕭員外院長存

送王校書

送丘負外還山丘詩 附

重送丘二十二丘詩 附

送鄭端公第

送房杭州

送陸侍御還越

聽江笛送陸侍御丘詩 附

送丘負外歸山居

送崔叔清遊越

送鄒儒立還京師

送豆盧策秀才

送王卿

送劉評事

送雷監赴闕庭

送秦系赴潤州

卷第五

酬答

期盧嵩不赴詩答

答少府問

詩答書因以戲李二

酬盧嵩見寄



酬鄭戶曹

答李幹

酬柳郎中見別

酬豆盧

酬李儋

酬元偉

酬韓質

答李博士第枉詩見問

酬李博士

答令狐士曹見寄

答李博士

答劉西曹

答貢士黎逢

答韓庫部協

答崔主簿倬

答徐秀才

答東林道士

答長寧令楊轍

答馮魯秀才

答崔主簿

清都觀荅幼遐

答韓司錄見憶

答長安丞裴稅

奉酬處士叔見示

答庫部韓郎中

答楊校書當

答崔都水

酬令狐司錄

答趙氏外生伉

答趙氏生伉

答端

答史館張學士

答王郎中

答崔都水

答王卿送別

答裴丞說歸京所獻

答裴處士

答楊奉禮

答端

答二甥



荅重陽

酬劉使君附劉詩

荅令狐侍郎詩附

酬張協律

荅秦校書附秦詩

荅賓

荅鄭騎曹

奉和聖製重陽日賜宴

和吳舍人

奉和張大夫

荅河南李士巽

荅故人見諭

酬閻貞外陟

逢遇

長安遇馮著

月夜書情簡李寶應

廣陵遇孟九雲卿

遇洛陽李主簿

路逢崔元二侍御

逢楊開府

訪王侍御不遇

訪道士姪不見

卷第六

懷思

有所思

暮相思

夏夜懷盧嵩

春思

春中憶元二

懷素友子西

對韓少尹贈硯

月晦憶與親友遊宴

清明日憶諸弟

池上懷王卿

憶京師諸子弟

憶諸弟



懷深標二釋子

雨夜感懷

雲陽館懷谷口

憶澧上幽居

重九懷舊

思舊里

追懷

行旅

經函谷關

經武功舊宅

往雲門郊居

月過西郊渡

晚歸澧川

授衣還里

次盱眙縣

春月觀省

迴經歷山水

山行雨歸始霽

感歎

傷逝

往富平傷懷

出還

冬夜

送終

除日

對芳樹

月夜

歎楊花

過昭國里故第

夏日

端居感懷

悲紈扇

閑齋對雨

林園晚霽

秋夜二首

感夢

舊居傷懷



悲故交

悲哀叙事

追舊書情

過忘友故第

話舊

至壽春公故宅

睢陽感懷

廣德中洛陽作

閭門懷古

感事

感鏡

歎白髮

卷第七

登眺

登高望洛城作

同德寺閣集眺

上方舊遊

登樂遊廟作

登西南岡卜居

月夜翫花

臺上遲客

登樓

善福寺閣

樓中月夜

寒食後北樓作

西樓

夜望

晚登郡閣

登重玄寺閣

遊覽

觀早朝

陪元侍御遊春

遊龍門香山泉

龍門遊眺

洛都遊寓

再遊舊居



莊嚴精舍遊集

府舍月遊

任鄆令羨陂遊眺

西郊遊矚

再遊西郊渡

月溪與幼遐君賦同遊

遊白家竹潭

秋夕西齋

觀田家

園亭覽物

觀澧水漲

遊南池

南園陪王卿遊矚

遊西山

春遊南亭

再遊西山

遊靈巖寺

與盧陟同遊

遊溪

遊開元精舍

襄武館遊眺

秋景詣瑯琊精舍

閑庭南望秋景

慈恩精舍南池作

雨夜宿清都觀

秋夜遲諸君

東郊

秋郊

行寬禪師院

神靜師院

精舍納涼

藍嶺精舍

道晏寺主院

義演法師西齋

澄秀上座院

至西峯蘭若受田婦饋

曇智禪院

起度律師同居東齋院

遊瑯琊山寺

同越瑯琊山



詣西山深師

尋簡寂觀瀑布

簡寂西澗瀑布作

遊南齋

南園

西亭

夏景園廬

夏至避暑北池

題西林精舍書齋

題草堂

同元錫題瑯琊寺

題鄭拾遺草堂

卷第八

雜興

詠玉

詠露珠

詠珊瑚

詠瑠璃

詠琥珀

仙人詞

詠曉

詠夜

詠聲

任洛陽丞請告

縣齋

晚出府舍

休暇東齋

夜直省中

郡內閒居

燕居即事

幽居

野居書情

郊居言志

夏景端居

始至郡

郡中西齋

新理西齋

晚坐西齋



郡齋卧疾絕句

寓居未定精舍

喜辟強定夜至

野居

秋齋獨宿

餌黃精

聽元老師彈琴

野次聽奏橫吹

樓中閱清管

寒食

七夕

九日

秋夜

秋夜一絕

滁城對雪

雪中

對春雪

對殘燈

對芳樽

夜對流螢作

對新篁

夏花明

對萱草

見紫荊花

翫螢火

對雜花

種藥

西澗種柳

種瓜

喜園中茶生

移海榴

郡齋移杉

花徑

南池秋荷

題梧桐

題石橋

池上

滁州西澗

西塞上

山耕叟



上方僧

煙際鍾

始聞夏蟬

射雉

夜聞獨啼鳥

述園鹿

聞鴈

子規啼

始建射侯

仙人祠

鷓鴣

卷第九

歌行上

長安道

行路難

橫塘行

貴遊行

酒肆行

相逢行

烏引雛

鷲奪巢

燕啣泥

鼙鼓行

古劍行

金谷園歌

溫泉行

學仙

廣陵行

萼綠華歌

王母歌

一云王女歌

馬明生遇神女歌

石鼓歌

寶觀主白鸚鵡歌

彈棊歌

卷第十

歌行下



聽鶯曲

白沙亭逢兵叟歌

送褚校書歸舊山歌 五弦行

驪山行 漢武帝雜歌

櫻櫚蠅拂歌 信州錄事古鼎歌

夏冰歌 凌霧行

樂燕行 采王行

難言 易言

調嘯詞 三臺詞

韋蘇州集目錄終

韋蘇州集卷第一



蘇州刺史韋應物

古賦一首

冰賦



夏六月白日當午火雲四至金石灼爍玄泉潛沸雖深居廣廈珍簟輕箑而亦鬱鬱燠燠不能和平其氣陳王於是登別館散幽情招親友以高會尊仲宣為客卿睹頒冰之適至喜煩暑之暫清王乃誇賓而歌曰含皎皎兮瓊玉姿氣淒淒兮奪天時飲之榮骨兮何所思可進於賓請



客卿為寡人羨而賦之客諾曰羨則羨矣而大王不識其短夫謂之瓊王竊名器也氣奪天時干陰陽也內熱飲之媒其疾也寵一物而三失德且出寒暑而至下薦宗廟而至高僕竊感之而歔歔安得不為之而抽毫何積陰之勝純陽兮惟此玄冰居炎天之赫赫兮獨嚴厲乎稜稜其始也月玄冥日北陸天地閉水泉縮動靜一變到柔反覆壯以烈風積如群玉由是依廣瀟漫憑高崢嶸大寒御節萬動潛形浮彩浩浩仰吞素靈群山早曙陰整夜明古者祭之黑牡其

藏以節袂之桃弧其出以潔今明明大魏禮物必備實大玉罇俎之常品非小民造次之所致若尊卑異等頒命有度碎似墜瓊方如截璐况粉壁雲矗象遙霜布座有麗人皎然俱素雖衆賓之同輝諒為物之難固其竊名假質以謬一時之賞也如此若乃對脩竹臨方塘俾炎作寒兮反我天常嗟締綰之失御於三伏兮亦紈扇委篋而內傷其嚴沍之威以于陰陽之候也如此若皎潔的皪與時消釋或沉珠於杯或化璞於夜王將甘飲聊以自適豈知乎一寒一溫日



夜相激久之以生疾兮內外不和而怵惕其翫  
意而媒疾也如此觀其劣足以凄一室利庖厨  
俾甘肥晚敗醇釀不渝非可調湊理安營魄柰  
何以誇客陳王於是赭然而慙曰寡人生於深  
宮惜於服食左右唯燕姬趙女侈服美色微客  
卿之言則何以雪余惑方當命有司而撤冰書  
盤盂以自式

雜擬

擬古詩十二首

辭君遠行邁飲此長恨端已謂道里遠如何中

險艱流水赴大壑孤雲還暮山無情尚有歸行

子何獨難驅車背鄉園朔風一作吹卷行迹嚴冬

霜斷肌日入不遑息憂歡一作懼客髮變寒暑人

事易中心君詎知冰玉徒貞白一作客

黃鳥何關關幽蘭亦靡靡此時深閨婦日照紗

一作綺窻裏娟娟雙青娥微微啓玉齒自惜桃李

年誤身遊俠子無事又離別不知今生死

峩峩高山巔浼浼青川流世人不自悟馳謝如

驚風百今非所重厚意良難得旨酒親與朋芳

年樂京國京城繁華地軒蓋凌晨出垂楊十二



衢隱映金張室漢宮南北對飛觀齊白日游冰

屬芳時

一云游冶 詠康時

平生自云畢

綺樓何氛氲朝日正杲杲四壁含清風丹霞射  
其牖玉顏上哀轉絕耳非世有但感離恨情不  
知誰家婦孤雲忽無色邊馬為迴首曲絕碧天  
高餘聲散秋草徘徊帷中意獨夜不堪守思逐  
朔風翔一去千里道

嘉樹藹初綠藤蕪吐幽芳君子不在賞寄之雲  
路長路長信難越惜此芳時歇孤鳥去不還緘  
情向天末

月滿秋夜長驚鳥號北林天河橫未落斗柄當  
西南寒蛩悲洞房好鳥無遺音商飈一夕至獨  
宿懷重衾舊交目千里隔我浮與沉人生豈草  
木寒暑移此心

酒星非所酌月桂不為食虛薄空有名為君長  
歎息蘭蕙雖可懷芳香與時息豈如凌霜葉歲  
暮藹顏色折柔將有贈延意千里客草木知賤  
微所貴寒不易

神州高爽地遐瞰靡不通寒月野無綠寥寥天  
宇空陰陽不停馭貞脆各有終汾沮何鄙儉考



槃何退窮反志解牽跼無爲尚勞躬美人奪南  
國一笑開芙蓉清鏡理容一作雲髮褰簾出深重  
豔曲呈皓齒舞羅不堪風慊慊情有待贈芳爲  
我容可嗟青樓月流影君惟中

春至林木變洞房夕含清單居誰能裁好鳥對  
我鳴良人久燕趙新愛移平生別時雙鴛綺留  
此千恨情碧草生舊迹綠琴歇芳聲思一作顛將  
魂夢歡反側寐不成擘衣迷所次起望空前庭  
一云擘衣迷處孤影中自惻不知雙涕零  
秋天無留景萬物藏光輝落世隨風起一作愁

人獨何依華一作明月屢圓缺君還浩無期如何

雨絕天一云雲雨絕如何一去音問一作塵違

有客天一方寄我孤桐琴迢迢萬里隔託此傳

幽音冰霜中自結龍鳳相與吟絃以明直道云

絃以昭漆以固一作形交深

白日淇上没空閨生遠愁寸心不可限淇水長

悠悠芳樹自妍芳一云自交結又春禽自相求

徘徊東西廂孤妾誰與儔年華逐絲淚一落俱

不難一作難收

雜體



沉沉匣中鏡爲此塵垢蝕輝光何所如月在雲  
中黑南金既彫錯擊帶共輝飾空存一作鑒物  
名坐使妍媸惑羨人竭肝膽思照冰玉色自非  
磨瑩工日日空歎息

古宅

一作字

集祆鳥群號枯樹枝黃昏窺人室凡

物相與期居人不安寢搏擊思此時豈無鷹與  
鷂飽肉不肯飛既乖逐鳥節空養凌雲姿孤奉  
肉食思何異城上鷓

春羅雙鴛鴦出自寒夜女心精煙霧色指歷千

萬緒長安貴豪家

一作室

妖艷不可數裁此百

功唯將一朝舞舞罷復裁新豈思勞者苦

同聲自相應體質不必齊誰知賈人鐸能使大

音

一作

樂諧鏗鏘發宮徵和樂變其哀人神既昭

享鳳鳥

一作皇

亦下來豈非至賤物一奏升天

物情苟有合莫問玉與泥

碌碌荆山璞卞和獻君門荆璞非有求和氏非

有恩所獻知國寶至公不待言是非吾

一作語

欲

默此道今豈存

與友生野飲效陶體

攜酒花林下前有千載墳於時不共酌柰此泉



下人始自翫芳物行當念徂春聊舒遠世蹤坐  
望還山雲且遂一歡笑焉知賤與貧

效何水部

玉宇含清一作秋露香籠散輕煙應當結沉抱難  
從茲夕眠

夕漏起遙然蟲響亂秋陰反覆相思字中有故  
人心

效陶彭澤

霜露悴百草時菊獨妍華物性有如此寒暑其  
奈何掇英泛濁醪日入會田家盡醉茅簷下

生豈在多

燕集

大梁亭命舉四栖梧作

梁王昔愛才千古化不泯平聲至今蓬池上遠集

八方賓車馬平明合城郭滿埃塵逢君一相許

豈要平生親入仕三十載如何獨未伸英聲久

籍籍臺閣多故人置酒發清彈相與一作將樂佳

辰孤亭得長望白日下廣津富貴良可取一作求

竭來西入秦秋風旦夕起安得客梁陳

燕李錄事



與君十五侍皇闈  
曉拂爐煙上赤墀  
花開漢苑經過處  
雪下驪山沐浴時  
近臣零落今猶在  
誰一作  
在仙駕飄颻不可期  
此日相逢逢君思非一作舊  
日一杯成喜亦一作成悲

淮上喜會梁川故人

江漢曾為客  
相逢每醉還  
浮雲一別後  
流水十年間  
歡笑情如舊  
蕭疎鬢已斑  
何因北一作歸去  
淮上對一作秋山

揚州偶會前洛陽  
盧耿主簿應物頃貳洛陽常有

連騎之遊

楚塞故人稀  
相逢本不期  
猶存袖裏字  
忽恠鬢中絲  
客舍盈樽酒  
江行滿箬詩  
更能連騎出  
還似洛橋時

賈常侍林亭燕集

高賢侍天階一作跡顯心獨幽  
朱軒鷺關右池館在東周  
繚繞接都城  
氤氳望嵩丘  
群公盡詞客  
方駕永日遊  
朝旦氣候佳  
逍遙寫煩憂  
綠林靄已布  
華沼澹不流  
沒露摘幽草  
涉煙翫輕舟  
圓荷既出水  
廣廈可淹留  
放神遺所拘  
觥罰屢見酬  
樂燕良未極  
安知有沉浮  
醉罷各云散  
何



當復相求

月夜會徐十一草堂

空齋無一事岸憤故人期暫輟觀書夜還題翫  
月詩遠鍾高枕後清露卷簾時暗覺新秋近殘  
河欲曙遲

移疾會詩客元生與釋子法朗因貽諸

祠曹

對此嘉樹林獨有戚戚顏抱瘵知曠職淹旬非  
樂閑釋子來問訊詩人亦扣關道同意一作暫  
遣客散疾徐還園徑自幽靜玄蟬噪其間高窓

瞰遠郊暮色起秋山英曹幸休暇恨恨一作恨  
所攀

慈恩伽藍清會

素友俱薄世屢招清景賞鳴鍾悟音聞宿昔心  
已往重門相洞達高宇亦遐一作通朗嵐嶺曉城  
分清陰夏條長一作清條氤氛芳臺馥蕭散竹  
池廣平荷隨波泛迴颯激林響蔬食遵道侶泊  
懷遺滯想何彼塵昏人區區在天壤

夜偶詩客操公作

塵襟一蕭灑清夜得禪公遠自鶴林寺了知人



世空驚禽翻暗葉流水注幽叢多謝非玄度聊  
將詩興同

與韓庫部會王祠曹宅作

閑一作開

門蔭堤柳秋渠含夕清微風送荷氣坐

客散塵纓守默共無恡抱冲俱寡營良時頗高  
會琴酌共開情

晦日處士叔園林燕集

遠看萸葉盡坐闕芳年賞賴此林下期清風滌  
煩想始萌動新照佳禽發幽響嵐嶺對高齋春  
流灌蔬壤罇酒遺形迹道言屢開獎幸蒙終夕

權聊用稅歸鞅

扈亭西陂燕賞

杲杲朝陽時悠悠清陂望嘉樹始氤氳春遊方  
浩蕩况逢文翰侶愛此孤舟樣綠野際遙波橫  
雲分疊嶂公堂日爲倦幽襟自茲曠有酒今滿  
盈願君盡弘量

西郊燕集

濟濟衆君子高宴及時光群山靄霞矚綠野布  
熙陽列坐遵曲岸披襟襲蘭芡野庖薦嘉魚激  
澗泛羽觴衆鳥鳴茂林綠草延高岡盛時易徂



謝浩思坐飄颺眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜  
迢遞賓筵接時彥樂燕凌芳歲稍愛清觴滿仰  
歎高文麗欲去返郊扉端為一歡滯

滁州園池燕元氏親屬

日暮遊清池疎林羅籠一作高天餘綠飄霜露夕  
氣變風煙水門架危閣竹亭列廣筵一展私相  
禮屢歎芳罇前感往在茲會傷離屬頽年明晨  
復云去且願此留連

郡樓春燕

衆樂雜軍鞞高樓邀上客思逐花光亂賞餘山  
景夕為郡訪彫瘵守程難損益聊假一杯歡暫  
忘終日迫

南塘泛舟會元六昆季

端居倦時燠輕舟泛迴塘微風飄襟散橫吹繞  
林長雲澹水容夕雨微荷氣涼一寫悄動意云一

川上寧用訴一作華觴

郡齋雨中與諸文士燕集

兵衛森畫戟宴寢凝清香海上風雨至逍遙池



閣涼煩痾近

一作

消散嘉賓復滿堂自慙居處

崇未覩斯民康理會是非遣性達形迹忘鮮肥

屬時禁蔬果幸見嘗俯飲一杯酒仰聆金玉章

神歡體自輕意欲凌風

一作

翔吳中盛文史群

彥今汪洋方知大藩地

一作

豈曰財賦疆疆

奉同郎中使君郡齋雨中宴集之什

州民朝議郎行饒州司士參軍員外

置同正公員顧况

好鳥依嘉樹飛雨灑高城况與數

一作君子列

座分兩楹

一作

又雅一何麗

一作

林堂舍夕

我公未歸朝遊子不待晴白雲帝鄉遠滄江

楓葉鳴拜手欲無言零淚如

一作

酒傾寸心已

摧折別離方骨驚安得凌風翰肅肅賓天京

軍中冬燕

滄海已云晏皇恩猶念勤式燕徧恒秩柔遠及

斯人茲邦實大藩代鼓軍樂陳是時冬服成戎

士氣益振虎竹謬朝寄英賢降上賓旋罄周旋

禮媿無海陸珍庭中丸劍闌堂上歌吹新光景

不知晚觥酌豈言頻單醪昔所感大醪况同忻

顧謂軍中士仰荅何由申



司空主簿琴席

煙華方散薄蕙氣猶含露澹景發清琴幽期然

玄一作悟留連白雪意斷續迴風度掩抑雖已

終忡忡在幽素

與村老對飲

鬢眉雪色猶嗜酒言辭淳朴古人風鄉村年少

生離亂見話先朝如夢中

韋蘇州集卷第一

韋蘇州集卷第二

蘇州刺史韋應物

寄贈上

城中卧疾知閭薛二子屢從邑令飲因

以贈之

車一作馬日蕭蕭胡不枉一作我廬方來從令

飲卧病獨何如秋風起漢一作臯開戶望平蕪

即此恹一作音素一作馬知中密踈渴者不思

火寒者不求水人生羈寓一作時去就當如此

猶希心異迹一作眷眷存終始



聽嘉陵江水聲寄深上人

鑿崖泄奔湍稱古神禹跡夜喧山門店獨宿不  
安席水性自云一作靜石中本無聲如何兩相  
激雷轉空山驚貽之道門舊了此物我情

高陵書情寄三原盧少府

直方難為進守此微賤班開卷不及顧沉埋案  
牘間兵凶父一作相踐徃賦豈得閑促戚下可  
哀寬政身致患日夕思自退出門望故山君心  
儻如此攜手相與還

假中對雨呈縣中僚友

足甘一作堪為笑閑居夢杜陵殘鶯知夏淺社  
時一作雨報年登流麥非閑忘收書獨不能自然  
憂曠職絨此謝良朋

贈蕭河南

厭劇辭京縣褒賢待詔書鄼侯方繼業潘令且  
閑居霽後三川冷秋深一作餘萬木踈對琴無一  
事新興復何如

示從子河南尉班并序

永泰中余任洛陽丞以撲扶軍騎時從子河南  
尉班亦以剛直為政俱見訟於居守因詩示意



府縣好我者豈曠斯文

拙直余恒守公方爾所存同占朱鳥尅俱起小  
人言立政思懸棒謀身類觸藩不能林下去祇  
戀府延恩

趨府候曉呈兩縣僚友

趨府不遑安中宵出戶看滿天星尚在近壁燭  
仍一作殘立馬頻驚曙垂簾却避寒可憐同官  
者應始一作悟下流難

贈李儋

絲桐本異質音響合一作自然吾觀造化意二

物相因緣誤觸龍鳳嘯靜聞寒夜泉心神自安  
宅煩慮頓可捐何因知久要絲白漆亦堅

贈盧嵩

百川注東海東海無虛盈泥滓不能濁澄波非  
益清恬然自安流日照萬里晴雲物不隱象三  
山共分明柰何疾風怒忽若基柱傾海水雖無  
心洪濤亦相驚怒號在倏忽誰識變化情

寄馮著

春雷起萌螫土壤日已踈胡能遭盛明才俊伏  
里閭偃仰遂真性所求唯斗儲披衣出茅屋盥



漱臨清渠吾道亦自適退身保玄虛幸無職事  
牽且覽按上書親友各馳騫誰當訪弊廬思君  
在何夕明月照廣除

早春對雪寄前殿中元侍御

掃雪開幽徑端居望故人猶殘臘月酒更值早  
梅春幾日東城陌何時曲水濱聞閑且共賞莫  
待繡衣新

贈王侍御

心同野鶴與塵遠詩似冰壺見底清府縣同趨  
昨日事升沉不改故人情上陽秋晚蕭蕭雨洛

水寒來夜夜聲自歎猶爲折腰吏一作可憐驄  
馬路傍行

將往江淮寄李十九儋余自西京至李又發河洛同道不遇

鷺鷥東向來文鶴亦西飛如何不相見羽翼有  
高卑徘徊到河洛華屋未及窺秋風飄我行遠  
與淮海期迴首隔煙霧遙遙兩相思陽春自當  
返短翮欲追隨

自鞏洛舟行入黃河即事寄府縣僚友

夾水蒼山路向東東南山豁大河通寒樹依微  
遠天外夕陽明滅亂流中孤村幾歲臨伊岸一



鴈初晴下朔風為報洛橋遊宦侶扁舟不繫與  
心同

寄盧庾

悠悠遠離別分此歡會難如何兩相近反使心  
不安亂髮思一櫛垢衣思一浣韻豈如望友生  
對酒起長嘆時節異京洛孟冬天未寒廣陵多  
車馬日夕自遊盤獨我何耿耿非君誰為歡

發廣陵留上家兄兼寄上長沙

將違安可懷宿戀復一方家貧無舊業薄宦各  
飄颻執板身有屬淹時心恐惶拜言不得留聲

結袂滿裳漾漾動行舫亭亭遠相望離晨苦須  
臆獨往道路長蕭條風雨過得此海氣涼感秋  
意已違况自結中腸推道固當遣及情豈所忘  
何時共還歸舉翼鳴春陽

初發揚子寄元大校書

悽悽去親愛泛泛入烟霧歸棹洛陽人殘鍾廣  
陵樹今朝此為別何處還相遇世事波上舟沿  
洄安得住

淮上即事寄廣陵親故

前舟已渺渺欲度誰相待秋山起暮鍾楚雨連



滄海風波離思滿一作遠宿昔容髮改獨鳥下東  
南廣陵何處在

寄洪州幕府盧二十一侍御自南昌令  
拜頃同官

洛陽

忽報南昌令乘駟入郡城同時趨府客此日望  
塵迎文苑臺中妙水壺幕下清洛陽相去遠猶  
使故林榮

經少林精舍寄都邑親友

息駕依松嶺高閣一攀緣前瞻路已窮既詣喜  
更延出嚙聽萬籟入林濯幽泉鳴鍾生道心暮

磬一作鶴空雲煙獨往雖暫適多累終見牽方思

結茅地歸息期暮年

同長源歸南徐寄子西子烈有道

東洛何蕭條相思邈遐路策駕復誰遊入門無  
與晤一作出入還因送歸客達此絨中素屢睽  
心所歡豈得顏如故所歡不可睽嚴霜晨淒淒  
如彼萬里行孤妾守空閨臨觴一長嘆素系欲何  
時諧

雪中聞李偁過門不訪聊以寄贈

度門能不訪冒雪屢西東已想人如玉遙憐馬



似驟乍迷金谷路稍變上陽宮還比相思意紛  
紛正滿空

同德精舍養疾寄河南兵曹東廳掾

逍遙東城隅雙樹寒葱蒨廣庭流華月高閣凝  
餘霰杜門非養素抱疾阻良讌孰謂無他人思  
君歲云變官曹亮先忝陳躅慙俊彥豈知晨與  
夜相代不相見緘書問所如一云訓藻當芬絢

同德寺雨後寄元侍御李博士

川上風雨來須臾滿城闕岌峩青蓮界一作蕭  
條孤興發前山遽已淨陰靈夜來歇喬木生夏

涼流雲吐華月嚴城自有限一水非難越相望

曙河

一作何

遠高齋坐超忽

同德閣期元侍御李博士不至各投贈

二首

庭樹忽已暗故人那

一作何

不來祇應厭煩暑永

日坐霜臺

官榮多所繫閑居亦憊期高閣猶相望青山欲

暮時

使雲陽寄府曹

夙駕祇府命冒炎不遑息百里次雲陽閭闔問



漂溺上天屢憊氣胡不均寸澤仰瞻喬樹顛見  
此洪流跡良苗免湮沒蔓草生宿昔頽墉滿故  
墟返喜將安宅周旋涉塗潦側峭綠溝脉仁賢  
憂斯民賤子甘所役公堂衆君子言笑思與覲

過扶風精舍舊居簡朝宗巨川兄弟

佛刹出高樹晨光閭井中年深念陳跡迨此獨  
忡忡零落逢故老寂寥悲草蟲舊壘十效改構幽  
篁延本藪栖止事如昨芳時去已空在入亦携  
手再往今不同新文聊感舊想子喜心無窮

贈令狐士曹

自八月朔旦同使藍田淹留沙季事先半日而

待故有戲贈

秋簷

一作霜

滴滴對牀寢山路迢迢聯騎行到家

俱及東籬菊何事先歸半日程

贈馮著

契濶仕兩京念子亦飄蓬方來屬追往十載事  
不同歲晏乃云至微褐還未克慘悽遊子情風  
雪自關東華觴發懽顏嘉藻播清風始此盈抱  
恨曠然一夕中善蘊豈輕售懷才希國工誰當  
念素士零落歲華空

對雨寄韓庫部協



風至池館涼  
靄然和曉霧  
蕭條集新荷  
氤氳散  
高樹閑居興  
方淡默想心  
已屢暫出仍  
濕衣况  
君東城住

寄子西

夏景已難度  
懷賢思方續  
喬樹落踈陰  
微風散  
煩燠傷離枉  
芳札忻遂見  
心曲藍上舍  
已成田  
家雨新足託  
鄰素多款  
一作殘  
秩猶見東日夕  
上高齋但望  
東原綠

縣內閑居贈温公

滿郭春風嵐已昏  
鴉栖散吏掩重門  
雖居世網

常清淨夜對高僧無一言

對雪贈徐秀才

靡靡寒欲收  
靄靄陰還結  
晨起望南端  
千林散  
春雪妍光屬  
瑤階亂緒陵  
新節無為掩  
扉卧獨  
守袁生轍

西郊遊宴寄贈邑僚李巽

升陽曖春物  
置酒臨芳席  
高宴闕英僚  
衆賓寡  
歡懌是時尚  
多壘板築興  
頽壁羈旅念  
越疆領  
徒方祗役如何  
嘉會日當子  
憂勤夕西郊  
鬱已  
茂春嵐重如  
積何當返徂  
雨雜英紛可惜



對雨贈李主簿高秀才

邈也曙雲薄散漫東風來青山滿春野微雨灑  
輕埃吏局勞佳士賓筵得上才終朝狎文墨高  
興共徘徊

休沐東還胄貴里示端

宦遊二十載田野久已踈休沐遂茲日一來還  
故墟山明宿雨霽風暖百卉舒泓泓野泉潔熠  
熠林光初竹木稍推翳園場亦荒蕪俯驚鬢已  
衰周覽昔所娛存沒惻私懷遷變傷里閭歆言  
少留心中復畏簡書世道良自退榮名亦空虛

與子終携手歲晏當來居

朝請後還邑寄諸友生

宰邑分甸服夙駕朝上京是時當暮春休沐集  
友生抗志青雲表俱踐高世名尊酒具懽樂文  
翰亦縱橫良遊昔所希累讌夜復明晨露含瑤  
琴夕風殞素英一旦遵歸路伏軾出京城誰言  
再念別忽若千里行閑閣寡誼訟端居結幽情  
况茲晝方永展轉何由平

澧上西齋寄諸友

七月中善福  
之西齋作

絕岸臨西野曠然塵事遙清川下遷迤茅棟上



岩峩翫月愛佳夕望山屬清朝俯砌視歸翼開  
衿納遠颯等陶辭小秩効朱方負樵閑遊忽無  
累心跡隨景超明世重才老雨露降丹霄群公  
正雲集獨予欣寂寥

獨遊西齋寄崔主簿

同心忽已別昨事方成昔幽徑還獨尋綠苔見  
行跡秋齋正蕭散烟水易昏夕憂來結纒重非  
君不可釋

紫閣東林居士叔緘賜松英丸捧對忻  
喜蓋非塵俗之所當服輒獻詩代啓

碧澗蒼松五粒稀侵雲采去露沾衣夜啓群仙  
合靈藥朝思俗侶寄將歸道場齋戒今初服人  
事黃羶已覺非一望嵐峯拜還使腰間銅印與  
心違

秋集罷還途中作謹獻壽春公黎公

束帶自衡門奉命宰王畿君侯枉高鑿舉善掩  
瑕疵斯民本已安工拙兩無施何以酬明德歲  
晏不磷緇時節乃來集欣懷方載馳平明大府  
開一得拜光輝温如春風至肅若巖霜威群屬  
所載瞻而忘倦與飢公堂燕華筵禮罷復言辭



將從平門道憩車澧上滑山川降嘉歲草木蒙  
潤滋孰云還本邑懷戀獨遲遲

閑居贈友

補吏多下遷罷歸聊自度園廬既蕪沒煙景空  
澹泊閑居養痾瘵守素甘葵藿顏鬢日衰耗冠  
帶亦寥落青苔已生路綠筠始分籜夕氣下遙  
陰微風動疎薄草玄良見誚杜門無請託非君  
好事者誰來顧寂寞

誰一作能

四禪精舍登覽悲舊寄朝宗巨川兄弟  
蕭散人事憂迢遰古原行春風日已曠百草亦

復生躋閣謁金像攀雲造禪窟新景林際曙雜  
花川上明但歲方緬邈陳事尚縱橫溫泉有佳  
氣馳道指京城携手思故日山河留恨情存者  
邈難見去者已冥冥臨風一長慟誰畏行路驚  
善福閣對雨寄李儋幼遐

飛閣凌太虛晨躋鬱崢嶸驚颯觸懸檻白雲冒  
層甍大陰布其地密雨垂八紘仰觀固不測俯  
視但冥冥感此窮秋氣沉鬱命友生及時尚未  
步羈旅遊帝京聖朝無隱才品物俱昭形國士  
秉繩墨何以表堅貞寸心東北馳思與一會并



我車夙已駕將逐晨風征郊塗住成淹默默阻  
中情

寺居獨夜寄崔主簿

幽人寂不一作寐木葉紛紛落寒雨暗深更流  
螢度高閣坐使青燈曉還傷夏衣薄寧知歲方  
晏離居更蕭索

九日澧上作寄崔主簿倬二李端繫

淒淒感時節望望臨澧涘翠嶺明華秋高天澄  
遙澤川寒流愈迅霜交物初委林葉索已空晨  
禽迎颿起時菊乃盈泛濁醪自爲美良遊雖可

娛殷念在之子人生不自省營欲無終已孰能  
同一酌陶然宜斯理

西郊養疾聞暢校書有新什見贈又佇

不至先寄此詩

養病愜清夏郊園敷卉木窓夕一作含澗涼雨

餘愛筠綠披懷始高詠對琴轉幽獨仰子遊群

英吐詞如蘭馥還聞枉嘉藻佇望延昏旭唯見

草青青閉門澧水曲

澧上寄幼遐

寂寞到城闕惆悵返柴荆端居無所爲念子遠



徂征復晝人已息我懷獨未寧忽從東齋起元  
元尋澗行崑崙叢榛密披翫孤花明曠然西南  
望一極山水情周覽同遊處逾恨阻音形壯圖  
非旦夕君子勤令名勿復久留讌蹉跎在比京  
善福精舍示諸生

湛湛嘉樹陰清露夜景沉悄然群物寂高閣似  
陰岑方以玄默處豈爲名跡侵法妙一作不知

歸獨此抱冲襟齋舍無餘物陶器與單衾諸生  
時列坐共愛風滿林

晚出澧上贈崔都水

臨流一舒嘯望山意轉延隔林分落景餘霞明  
遠川首起趣東作已看耘夏田一從民里居歲  
月再徂遷昧質得全性世名良自牽行欣携手  
歸聊復飲酒眠

寓居澧上精舍寄于張二舍人

萬木叢雲出香閣西連碧澗竹林園高齋猶宿  
遠山曙微霰下庭寒雀喧道心淡泊對流水生  
事蕭疎空掩門時憶故交那得見曉排闥闔奉  
明恩

開元觀懷舊寄李二韓二裴四兼呈崔



卽中嚴家令

宿昔清都燕分散各西東車馬行跡在霜雪竹  
林空方軫故物念誰復一樽同聊披道書暇還  
此聽松風

春日郊居寄萬年吉少府中孚三原少  
府偉夏侯校書審

谷鳥時一轉田園春雨餘光風動林早高窓照  
日初獨飲澗中水吟詠老氏書城闕應多事誰  
憶此閑居

澧上醉題寄滌武

芳園知夕燕西郊已獨還誰言不同賞俱是醉  
花間

西郊期滌武不至書示

山高鳴過雨澗樹林一云澗落殘花非關春不待當  
由期自賒

澧上對月寄孔諫議

思懷在雲闕泊素守中林出處雖殊跡明月兩  
知心

將往滁城戀新竹簡崔都水示端

停車欲去繞藂竹偏愛新筠十數竿莫遣兒童



觸瓊粉留待幽人迴日看

還闕首途寄精舍親友

休沐日云滿冲然將罷觀嚴車候門側晨起正

一作整朝冠山澤含餘雨川澗注驚湍攬轡遵東

路前一云登迴首一長歎居人已不見高閣在林

端

秋夜南宮寄澧上弟及諸生

暝色起煙閣沉抱積離憂况兹風雨夜蕭條梧

葉秋空宇感涼至頽頽驚歲周日夕遊闕下山

水憶同遊

塗中書情寄澧上兩弟因送二甥却還

華簪豈足戀幽林徒自違遙知別後意寂寞掩

郊扉回首昆池上更羨爾同歸

雪夜下朝呈省中一絕

南望青山滿禁闌曉陪鴛鷺正差池共愛朝來

何處雪蓬萊宮裏折松枝却似染俗

贈孫微時赴雲中

黃駮少年舞雙戟目視傍人皆辟易百戰曾誇

隴上兒一身復作雲中客寒風動地氣蒼茫橫

笛先悲出塞長敲石軍中傳夜火斧冰河畔汲



朝槩前鋒直指陰山外虜騎紛紛剪應碎匈奴  
破盡看君歸金印酬功如斗大

冬夜宿司空野居因寄酬贈

南北與山隣蓬庵庇一身繁霜疑有雪荒草似  
無人遂性在耕稼所交唯賤貧何緣張掾傲毋  
重德璋親

寄荅秘書王丞

相看頭白來城闕却憶漳溪舊往還今體詩中  
偏出格常叅官裏每同班街西借宅多臨水馬  
上逢人亦說山芸閣水曹雖至冷與君常喜得

身閑

書懷寄顧八處士

自小難收踈懶性人間萬事總無功別從仙客  
求方法曾到僧家問苦空老大登朝如夢裡貧  
窮作話是村中未能即便休官去慙愧南山採  
藥翁



韋蘇州集卷第三

蘇州刺史韋應物

寄贈下

寄柳州韓司戶郎中

達一作遠識與昧機智殊跡同靜於焉得携手屢

賞清夜景蕭灑陪高詠從容羨華省一逐風波

遷南登桂陽嶺舊里門空掩歡一作新遊事皆屏

悵望城闕遙幽居時序來春風吹百卉和煦變

閭井獨悶終日眠篇書不復省唯當望雨露霑

子荒遐境



寄令狐侍郎

三山有瓊樹霜雪色逾新始自風塵交中結綢繆姻西掖方掌誥南宮復司春夕燕華池月朝奉玉階塵衆寶歸和氏吹噓多俊人群公共然諾聲聞邁時倫孤鴻既高舉鷺省在荆榛翔集且不同豈不欲殷勤一旦遷南郡江湖渺無垠寵辱良未定君子豈緇磷寒暑已推斥別離生苦辛非將會面目書札何由申

閑居寄端及重陽

山明野寺曙鐘微雪滿幽林人跡稀閑居寥落

生高興無事風塵病不歸

園林晏起中可昭應韓明府盧主簿

田家已耕作井屋中起晨烟園林鳴好鳥閑居猶獨眠不覺朝已晏起來望青天四體一舒散情性亦忻然還復茹簷下對酒思數賢束帶理官府簡牘盈目前當念中林賞覽物遍山川上非遇明世庶以道自全

寄大梁諸友

分竹守南譙弭節過梁池雄都衆君子出餞擁河湄燕譔始云洽方舟已解維一爲風水便但



見山川驅昨日次睢陽今夕宿符離雲樹愴重  
疊烟波念還期相敦在勤事海內方勞師

新秋夜寄諸弟

兩地俱秋夕相望共一作星河高梧一葉下空  
齋歸思多方用憂人瘼况自抱微痾將別來  
近顏鬢已蹉跎

郊園聞蟬寄諸弟

去歲郊園別聞蟬在蘭省今歲卧南譙蟬鳴歸  
路末夕響依山郭餘悲散秋景一作餘聲緘書  
報此時一作遠景此心方耿耿

寄中書劉舍人

雲霄路竟別中年跡暫同比翼趨丹陛連騎下  
南宮佳詠邀清月幽賞滯芳叢迨予一出守與  
子限西東晨露方愴愴一作離抱更忡忡忽睹  
九天詔秉綸歸國工玉座浮香氣秋禁散涼風  
應向橫門度一作環珮杳玲瓏光輝恨未矚歸  
思坐難通蒼蒼松桂姿想在一垣中

郡齋感秋寄諸弟

首夏辭舊國窮秋卧滁城方如昨日別忽覺徂  
歲驚高閣收煙霧池水晚澄清一作戶牖已凄



爽晨夜感深情昔遊卽署間是月天氣晴一作清

授衣還西郊曉露田中一作野行采菊接酒中昆

第自同傾簪組柳桂壁焉知有世榮一旦居遠

郡山川間音形大道庶無累及茲念已盈

### 郡中對雨贈元錫兼簡楊凌

宿雨冒空山空城響秋葉沉沉暮色至淒淒涼

氣入蕭條林表散的礫荷上集夜霧著衣重新

苔侵履濕遇茲端憂日賴與嘉賓接

### 冬至夜寄京師諸弟兼懷崔都水

理郡無異一作美政所憂在素飡徒令去京國羈

旅當歲寒子一作玄月生一氣陽景極南端已懷

時節感更抱別離酸私燕席一作夕云罷還齋夜

方闌邃幕沉空宇一作月孤燭照床單應同茲夕

念寧忘故歲歡川塗恍悠邈涕下一闌干

### 元日寄諸弟兼呈崔都水

一從守茲郡兩鬢生素髮新正加我年故歲去

超忽淮濱益時候了似仲秋月川谷風景温城

池草木發高齋屬多暇悵悵臨芳物日月昧還

期念君何時歇

### 寄職方劉郎中



相聞二十載不得展平生一夕一作南宮遇聊  
用寫中情端服光朝次群列慕一作英聲歸來  
坐粉闈揮筆乃縱橫始陪文翰遊歡燕難久并  
予因謬忝出君為沉疾嬰別離寒暑過荏苒春  
草生故園茲日隔新禽池上鳴郡中未無事歸  
思徒自盈

社日寄崔都水及諸弟群屬

山郡多暇日社時放吏歸坐閣獨成悶行塘閱  
清輝春風動高柳芳園掩夕扉遙思里中會心  
緒悵微微

寒食日寄諸弟

禁火暖佳辰念離獨多抱見此野田花心思杜  
陵道聯騎定一作竟何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花  
歛夕一作色對酒始離懷人還的的誰當曲水行  
相思尋舊跡

贈李儋侍御

風光山郡少來看廣陵春殘花猶待客莫問意  
中人



寄楊協律

吏散門閣掩鳥鳴山郡中遠念長江別俯覺座  
隅空舟泊南池雨簾卷北樓風併罷芳樽燕爲  
愴昨時同

奉酬滁州寄示

楊凌

淮陽一作南爲郡暇坐惜流芳歇散懷累榭風清  
暑澄潭月陪燕辭三楚戒途綿百越非當遠別  
離雅奏何由發

邵齋贈王卿

無術謬稱簡素飡空自嗟秋齋雨成滯山藥寒

始華濩落人皆笑幽獨歲逾賒唯君出塵意賞

愛似山家

一作僧家

簡伯璫

室

一作其室

虛多涼氣

一作風

天高屬秋時空庭夜風

雨草木曉離披簡書日云曠文墨誰復持聊因  
遇澄靜一與道人期

閑居寄諸弟

秋草生庭白露時故園諸弟益相思盡日高齋  
無一事芭蕉葉上獨題詩

登樓寄王卿



踏閣攀林恨不同楚雲滄海思無窮數家砧杵  
秋山下一郡荆榛寒雨中

寄暢當

開以子弟  
被召從軍

寇賊起東山英俊方未閑聞君新應募籍籍動  
京關出身文翰場高步不可攀青袍未及解白  
羽插腰間昔為瓊樹枝一作今有風霜顏秋郊  
細柳道走馬一夕還丈夫當為國破敵如摧山  
何必事州府坐使鬢毛班

贈崔員外

一別十年事相逢淮上濱還思洛陽日更話府

中人且對清觴滿寧知白髮新忽忽何處去車  
馬冒風塵

寄李儋元錫

去年花裏逢君別今日花開已一年世事茫茫  
難自料春愁黯黯一作忽忽獨成眠身多疾病思田  
里邑有流亡愧俸錢聞道欲來相問訊西樓望  
月幾迴圓

京師叛亂寄諸弟

弱冠遭世難二紀猶未平羈離官一作守遠郡虎  
豹滿西京上懷大馬戀下有骨肉情歸去在何



時流淚忽霑纓憂來上北樓左右但軍營函谷  
行人絕淮南春草生鳥鳴野田閒心憶故園一作  
里行何當四海晏甘與齊民耕

贈琮公

山僧一相訪吏案正盈前出處似殊致喧靜兩  
皆依一作禪暮春華池宴清夜高齋眠此道本無  
得寧復有忘筌

寄諸弟

建中四年十月三日京師兵亂  
自滁州間道遣使明年興元甲  
子歲五月九日使還作

歲暮兵戈亂京國帛書問道訪存亡還信忽從

天上落唯知彼此淚千行

寄恒璨

心絕去來緣跡

一作

順

一作

人間事獨尋秋草

徑夜宿寒山寺今日郡齋閑思閒楞伽子

簡郡中諸生

守郡卧秋閣四面盡荒山此時聽夜雨孤燈照  
窓間藥園日蕪漫書帷長自閑惟當上客至諸  
詩一解頰

寄全椒山中道士

今朝郡齋冷忽念山中客澗底東一作荆薪歸



來煮白石欲持一瓢酒遠慰風雨夕落葉滿空  
山何處尋行跡對一作寄  
滿一作遍

寄釋子良史酒

秋山僧冷病聊寄三五杯應寫山瓢裏還寄此  
瓢來

重寄

復寄滿瓢去定見空瓢來若不打瓢破終當費  
酒材

答釋子良史送酒瓢

此瓢今已到山瓢知已空且飲寒塘水遙將回

也同

一作遙知  
回也風

簡陟巡建三甥盧氏生

忽羨後生連榻話獨依寒竹一齋空時流歡笑  
事從別把酒吟詩待尔同

覽袁子卧病一絕聊以題示沈氏生  
全真

念子抱沉疾霜露變滁城獨此高窓下自然無  
世情

寄璨師

林院生夜色西廊上紗燈時憶長松下獨坐一  
山僧



寄盧陟

柳葉遍寒塘  
曉霜凝高閣  
累日此留連  
別來成寂寞

途中寄楊邈裴緒示襲子

永陽縣館中作

上宰領淮右  
下國屬星馳  
霧野騰曉騎  
霜竿裂凍旗  
蕭蕭陟連岡  
莽莽望空陂  
風截鴈嘹唳  
雲參樹參差  
高齋明月夜  
中庭松桂姿  
當睽一酌恨  
况此兩旬期

宿永陽寄璨律師

遙知郡齋夜  
凍雪封松竹  
時有山僧來  
懸燈獨

自宿

雪行寄襲子

浙瀝覆寒騎  
飄飄照川容  
行子郡城曉  
披雲看杉松

寄裴處士

春風駐遊騎  
晚景淡山暉  
一問清冷子  
獨掩荒園扉  
草木雨來長  
里閭人到稀  
方從廣陵宴  
花落未言歸

偶入西齋院示釋子恒璨

僧齋地雖密  
忘子跡要賒  
一來非問訊  
自是看



山花

示全真元常元常趙氏生

余辭郡符去爾為外事牽寧知風雪夜復此對  
牀眠始話南池飲更詠西樓篇無將一會易歲  
月坐推遷

寄劉尊師

世間荏苒紫此身長望碧山到無因白鶴徘徊  
看不去遙知下有清都人

寄廬山樓衣居士

兀兀山行無處歸山中猛虎識樓衣俗客欲尋

應不遇雲溪道士見猶稀

因省風俗與從姪成緒遊山水中道先

歸寄示

累宵同燕酌十舍携征魅始造雙林寂遐搜洞  
府祕群峯繞盤鬱懸泉仰特一作異陰壑雲松

埋陽崖煙花媚每慮觀省牽中乖遊踐志我向  
山水行子歸棲息地一操臨流袂上聳千雲轡

獨往倦危途懷冲一作寡幽致賴尔還都期方

將登樓遲

寒食寄京師諸弟



雨中禁火空齋冷江上流鶯獨坐聽把酒看花  
想諸弟杜陵寒食草青青

歲日寄京師諸季端武等

獻歲抱深惻僑居念歸緣常患親愛離始覺世  
務牽少事河陽府晚守淮南壩平生幾會散已  
及蹉跎年昨日罷符竹家貧遂留連部曲多已  
去車馬不復全閑將酒爲偶然以道自詮聽松  
南巖寺見月西澗泉爲政無異術當責豈望遷  
終理一作來時裝歸鑿杜陵田

簡盧陟

可憐白雪曲未遇知音人恓惶戎旅下蹉跎淮  
海濱澗樹含朝雨山鳥哢餘春我有一瓢酒可  
以慰風塵

西澗即事示盧陟

寢扉臨碧澗晨起澹忘情空林細雨至園文遍  
水生末日無餘事山中伐木聲知子塵喧久暫  
可散煩纓

登郡寄京師諸季淮南子弟

始罷永陽守復卧潯陽樓懸檻飄寒雨危堞侵  
江流迨茲聞鴈夜重憶別離秋徒有盈樽



酒鎮此百端憂

寄黃尊師

結茅種杏在雲端掃雪焚香宿石壇靈祇不許  
世人到忽作雷風登嶺難

寄黃劉二尊師

廬山兩道士各在一峯居矯掌白雲表晞髮陽  
和初清夜降真侶焚香滿空虛一作廬中有無為  
樂自然與世踈道尊不可屈符守豈暇餘高齋  
遙致敬願示一編書

秋夜寄丘二十二員外

懷君屬秋夜散步詠涼天山空松子落幽人應  
未眠

奉詔寄示

丘用

露滴梧葉鳴風秋桂花發中有學仙侶吹簫弄  
山月

贈丘員外

高詞棄浮靡貞行表鄉閭未具南宮拜聊偃東  
山居大藩本多事日與文章踈每一覩之子高  
詠遂起予宵書方連燕煩惱亦頓祛格言雅誨  
闕善謔矜數餘久跼思遊曠窮慘遇陽舒虎丘



愜登眺吳門悵躊躇方此戀携手豈云還舊墟  
告諸吳子弟文學為何如  
跡與孤雲遠心將野鶴俱那同石氏子每到府  
門趨

奉酬

丘丹

久作煙霞侶暫將簪組親還同褚伯玉入館忝  
州人

贈李判官

良玉定爲寶長材時所希佐幕方巡郡奏命布  
恩威食蔬程獨守飲水節靡違決獄興邦頌高

文稟天機賓館在林表望山啓西扉下有千畝  
田決漉吳土肥始耕已見穫袵絺今授衣政拙  
勞詳省淹留未得歸雖慙且忻頌日夕觀光輝  
寄皎然上人

吳興老釋子野雪蓋精廬詩名徒自振道心長  
晏如想茲棲禪夜見月東峯初鳴鍾一作磬驚岩

壑焚香滿空虛叨慕端成舊未識豈爲疏願以  
碧雲思方君怨別餘茂苑文華地流水古僧居  
何當一遊詠倚閣吟躊躇

贈舊識



少年遊太學負氣蔑諸生蹉跎三十載今日海隅行

復理西齋寄丘負外

前歲理西齋得與君子同迨茲已一周悵望臨春風始自踈林竹還復長榛藪端正良難久蕪穢易為功援斧開衆鬱如師啓群蒙庭宇還清曠煩抱亦舒通海隅雨雪霽春序風景融時物方如故懷賢思無窮

和張舍人夜直中書寄吏部劉負外

西垣草詔罷南宮憶上才月臨蘭殿出涼自鳳

池來松桂生丹林示鴛鴦集靈室託身各有所相望徒徘徊

和李二主簿寄淮上甘祭母三

滿城憐傲吏終日賦新詩請去聲報淮陰客春帆

浪作音期

寄二嚴

士良發牧士元柳按

絲竹久已懶今日遇君欣打破蜘蛛千道網  
忽為鸛鶴兩箇嚴



韋蘇州集卷第四

蘇州刺史韋 應物

送別

李五席送李主簿歸西臺

請告嚴程盡西歸道路寒欲陪鷹隼集猶戀鵲  
鴿單洛邑人全少嵩高雪尚殘滿臺誰不故報  
我在微官

送崔押衙相州

頃任內  
黃令

禮樂儒家子英豪燕趙風驅雞嘗理邑走馬却  
從戎白刃千夫闢黃金四海同嫖姚恩顧下諸



將指揮中別路，怜芳草歸心伴塞鴻。鄴城新騎滿，魏帝舊臺空。望闕應懷戀，遭時貴立功。萬方如已靜，何處欲輸忠。

送宣城路録事

江上宣城郡，孤舟遠到時。雲林謝家宅，山水敬亭祠。網紀多閑日，觀遊得賦詩。都門且盡醉，此別數年期。

送李十四山東遊

一作山人東遊

聖朝有遺逸，披膽謁至尊。豈是質榮寵，誓將救元元。權豪非所便，書奏寢禁門。高歌長安酒，

憤不可吞欵，來客河洛日。與靜者論濟世，翻小事卅砂。駐精魂東遊，無復繫梁楚。多大蕃高論，動侯伯踈懷。脫塵喧送君都門野，飲我林中尊。立馬望東道，白雲滿梁園。踟躕欲何贈，空是平生言。

送李二歸楚州

時李季第收楚州被訟赴急

情人南楚別，復詠在原詩。忽此嗟岐路，還令泣素絲。風波朝夕遠，音信往來遲。好去扁舟客，青雲何處期。

送闔家赴東川辟



冰炭俱可懷孰云熱與寒何如結髮友不得携  
手懽晨登嚴霜野送子天一端祇承簡書命俯  
仰豸角冠上陟白雲嶠下冥玄壑湍離群自有  
託歷險得所安當念及窮巷登朝成慨嘆

送令狐岫宰恩陽

大雪天地閉群山夜來晴居家猶苦寒子有千  
里行行安得辭荷此蒲壁榮賢豪爭追攀飲  
餞出西京樽酒豈不歡暮春自有程離人起視  
日僕御促前征透遲歲已窮當造巴子城和風  
被草木江水日夜清從來知善政離別慰友生

送馮著受李廣州署為錄事

林蔚鬱楊柳枝蕭蕭征馬悲送君灞陵岍糾郡南  
海涓名在翰墨場群公正追隨如何從此去千  
里萬里期大海吞東南橫嶺隔地維建邦臨日  
域温燠御四時百國共臻奏珍竒獻京師富豪  
虞興戎繩墨不易持州伯荷天寵一作還當翊  
丹墀子為門下生終始豈見遺所願酌貪泉心  
不為磷緇上將翫國士下以報渴飢

送元倉曹歸廣陵

官閑得去住告別戀音徽一作舊國應無業他



鄉到是歸楚山明月滿淮甸夜鍾微何處孤舟  
泊遙遙心曲遠

送唐明府赴溧水 三任縣事

三為百里宰已過十餘年祗難官如舊旋聞邑  
屢遷魚鹽濱海利薑蔗傍湖田到此安忙俗琴  
堂又晏然

喜於廣陵拜覲家兄奉送發還池州

青青連枝樹苒苒久別離客遊廣陵中俱到若  
有期俯仰叙存歿哀腸發酸悲收情且為歡累  
日不知飢夙駕多所迫復當還歸池長安三千

里歲晏獨何為南出登閶門驚颺左右吹所別  
諒非遠要令心不怡

送張八元秀才擢第往上都應制

決勝文場戰已酣行應辟命復才堪旅食不辭  
遊闕下春衣未換報江南天邊宿鳥生歸思關  
外晴山滿夕嵐立馬欲從何處別都門楊柳正  
氍毹

送張侍御秘書江左覲省

莫歎都門路歸無駟馬車繡衣猶在篋芸一作蓬  
閣已觀書沃野收紅稻長江釣白魚晨食亦可



薦名利欲何如薦作

賦得鼎門送盧耿赴任

名因定鼎地門對鑿龍山水北樓臺近城南車  
馬還稍開芳野靜欲掩暮鍾閑去此無嗟屈前  
賢尚抱關

賦得浮雲起離色送鄭述誠

遊子欲言去浮雲那得知偏能見行色自是獨  
傷離晚帶城遙暗秋生峯高竒還因朔吹斷死  
馬與相隨

餞雍聿之潞州謁李中丞

鬱鬱雨相遇出門草青青酒酣拔劍舞慷慨送  
子行驅馬涉大河日暮懷洛京前登太行路志  
士亦未平薄遊五府都高步振英聲主人才且  
賢重士百金輕絲竹促飛觴夜醖達晨星娛樂  
易淹暮諒在執高情

上東門會送李幼舉南遊徐方

離絃既罷彈樽酒亦已闌聽我歌一曲南徐在  
雲端雲端雖云邈行路本非難諸侯皆愛才公  
子遠結歡濟濟都門宴將去復盤桓令姿何昂  
昂良馬遠遊冠意氣且爲別由來非所嘆



送洛陽韓丞東遊

仙鳥何飄飄綠衣翠為襟顧我差池羽咬咬懷  
好音徘徊洛陽中遊戲清川尋神交不在結歡  
愛自中心駕言忽徂征雲路邈且深朝遊尚同  
啄夕息當異林出餞宿東郊列筵屬城陰舉酒  
欲為樂憂懷方沉沉

送鄭長源

少年一相見一作得飛轡河洛間歡遊不知罷中  
路忽言還泠泠鷓絃哀悄悄冬夜閑丈夫雖耿  
介遠別多苦顏君行拜高堂速駕難久攀鷄鳴

儔侶發朔雪滿河關須臾在今夕罇酌且循環

送李儋

別離何從生乃在親愛中反念行路子拂衣自  
西東日昊不留宴嚴車出崇墉行遊一作非所  
樂端憂道未通一作端處春野百卉發清川思  
無窮芳時坐離散世事誰可同歸當掩重關默  
默想音容

賦得暮雨送李胃一作渭

楚江微雨裏建業暮鍾時漠漠帆來重冥冥鳥  
去遲海門深不見浦樹遠含滋相送情無限沾



莫言去作折腰官，豈似長安折腰客。

天長寺上方別子西有道

時任京兆府功曹攝高陵

宰別田曹盧庫戶曹韓質因而有作

假邑非拙素，况乃別伊人。聊登釋氏居，携手戀

念一作茲晨高曠出，塵表逍遙滌心神。青山對芳

苑，列樹遶一作盈通津。車馬無時絕，行子倦風塵。

今當遵往路，佇立欲何申。唯持貞白志，以慰心

所親。

送黎六郎赴陽翟少府

試吏向嵩陽，春山芳腰垂。新綬色衣滿，舊

芸香喬樹別。時綠客程關外長，祗應傳善政。日夕慰高堂。

送別覃孝廉

思親自當去，不第未蹉跎。家住青山下，門前芳

草一作流水多秭歸。通遠徼巫峽，注驚波。州舉年年

事還期，復幾何。

送開封盧少府

雄藩車馬地，作尉有光輝。滿席賓常侍，闐街燭

夜歸。關河征旆遠，煙樹夕陽微。到處無留滯，梁

園花欲稀。



襟比散絲

留別洛京親友

握手出都門，駕言適京師。豈不懷舊廬，惆悵與  
子辭。麗日坐高閣，清觴醖華池。昨遊倏已過，後  
遇良未知。念結路方求，歲陰野無暉。車車我當  
前，一作去暮雪子獨歸。臨流漸云一相望，零淚忽  
沾衣。

賦得沙際路送從叔象

獨樹沙邊人跡稀，欲行愁遠暮鍾時。野泉絕處  
侵應盡，不遇山僧知問誰。

送榆次林明府

無嗟千里遠，亦是宰王畿。策馬雨中去，逢人關  
外稀。邑傳榆石在，路遶晉山微。別思方蕭索，新  
秋一葉飛。

雜言送黎六郎

壽陽公之子

冰壺見底未爲清，少年如玉有詩名。聞話嵩峯  
多野寺，不嫌黃綬向陽城。朱門嚴訓朝辭去，騎  
出東郊滿飛絮。河南庭下拜府君，陽城歸路山  
氛氲。山氛氲長不見，釣臺水渌荷已生。少姨廟  
寒花始徧，縣閑吏傲與塵隔。移竹疏泉常岸幘。



莫言去作折腰官，豈似長安折腰客。

天長寺上方別子西有道

時任京兆府功曹攝高陵

宰別田曹盧庫戶曹韓質因而有作

假邑非拙素况乃別伊人聊登釋氏居携手戀

念一作茲晨高曠出塵表逍遙滌心神青山對芳

苑列樹遠一作盈通津車馬無時絕行子倦風塵

今當遵往路佇立欲何申唯持貞白志以慰心

所親

### 送黎六郎赴陽翟少府

試吏向嵩陽春山躑躅芳腰垂新綬色衣滿舊

芸香喬樹別時綠客程關外長祗應傳善政日

夕慰高堂

### 送別覃孝廉

思親自當去不第未蹉跎家住青山下門前芳

草一作流水多秭歸通遠徼巫峽注驚波州舉年年

事還期復幾何

### 送開封盧少府

雄藩車馬地作尉有光輝滿席賓常侍闈街燭

夜歸關河征旆遠煙樹夕陽微到處無留滯梁

園花欲稀



送槐廣落第歸揚州

下第常稱屈少年心獨輕拜親歸海畔似舅得  
詩名晚對青山別遙尋芳草行還期應不遠寒  
露濕蕪城

送汾城王主簿

少年初帶印汾上文經過芳草歸時徧情人故  
郡多禁鍾春雨細宮樹野煙和相望東橋別微  
風起夕波

送澠池崔主簿

邑帶洛陽道年年應此行當時匹馬客今日縣

人迎暮雨投關郡春風別帝城東西殊不遠朝  
夕待佳聲

送顏司議使蜀訪圖書

輶駕一封急傳作蜀門千嶺曠詎分江轉字但

見路綠雲山館夜聽雨秋後獨叫群無爲父翁  
滯聖主待遺文

奉送從兄宰晉陵

東郊暮草歇千里夏雲生立馬愁將夕看山獨  
送行依微吳苑樹迢遞晉陵城慰此斷行別邑  
人多頌聲



贈別河南李功曹宏辭登科拜官

耿耿抱私戚，寥寥獨掩扉。  
臨觴自不飲，況與故人違。  
故人方琢磨，瓌朗代所稀。  
憲禮更右職，文翰灑天機。  
聿一作竭来自東山，群彥仰餘輝。  
談笑取高第，綰綬即言歸。  
洛都遊燕地，千里及芳菲。  
今朝章臺別，楊柳亦依依。  
雲霞未改色，山川猶夕暉。  
忽復不相見，心思亂霏霏。

送五經趙隨登科授廣德尉

明經有清秩，當在石渠中。  
獨往宣城郡，高齋謁謝公。  
寒原正蕪漫，一作夕鳥自西東秋日不堪

別淒淒多朔風

宴別幼遐與君貺兄弟

乖闕一作乖闕意方一作云，一作殫安知忽來翔。  
累日重歡宴，一旦復離傷。  
置酒慰茲夕，秉燭坐華堂。  
契闊未及展，晨星出東方。  
征人慘已辭，車馬儼成一作來裝。  
我懷自無歡，原野滿春光。  
一作群水含時澤，野雉鳴朝陽。  
平生有壯志，不覺淚霑裳。  
况自守空宇，日夕但彷徨。

送宣州周錄事

清時重儒士，糾郡屬伊人。  
薄遊長安中，始得一



交親並豪若雲集，餞別塞城闈。高駕臨長路，日  
夕起風塵。方念清宵宴，已度芳林春。從茲一分  
手，緬邈吳與秦。但覩年運駛，安知後會因。唯當  
存令德，可以解愉勤。

謝櫟陽令歸西郊贈別諸友生

結髮仕

一作事

州縣蹉跎在文墨，徒有排雲心。何

由生羽翼，幸遭明盛日。萬物蒙生植，獨此抱微

痾，頽然謝斯職。

大曆十四年六月二十三日自鄆縣制除櫟陽令以疾辭歸善

福精舍七月二十日賦此詩

世道方荏苒，郊園思偃息。為歡

日已延，君子情未極。馳觴一作驅馳忽云晏，高論良

難測。遊步清郡宮，迎風嘉樹側。晨起西郊道，原  
野分黍稷。自樂陶唐人，服勤在微力。佇君列丹  
陛，出處兩為得。

送端東行

世承清白遺

一作世事留清白

躬服古人言，從官俱守

道。歸來共閉門，驅車何處去。暮雪滿平原。

送姚孫還河中

孫一作系

上國旅遊罷，故園生事微。風塵滿路起，行人何  
處歸。留思芳樹飲，惜別暮春暉。光日投關郡，河  
山對掩扉。



始除尚書郎別善福精舍

建中二年四月十九日自

前櫟陽令除尚書比部員外郎

簡略非世器委身同草木逍遙精舍居飲酒自  
爲足累日曾一櫛對書常懶讀社牘會高年山  
川恣遊矚明世方選士中朝懸美祿除書忽到  
門冠帶便拘束愧忝郎署跡謬蒙君子錄俯仰  
垂華纓飄颻翔輕轂行將親愛別戀此西澗曲  
遠峯明夕川夏雨生衆綠迅風飄野路一作吹往路  
迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生  
守文墨今將匹馬靜烟塵旅宿關河逢暮雨春  
耕亭鄣識遺民此去多應收故地寧辭沙塞往  
來頻

送郝詹事

聖朝列群彥穆穆佐休明君子獨知止懸車守  
國程忠良信舊德文學播英聲既獲天爵美况  
將齒位并書奏蒙省察命駕乃東征皇恩賜印  
綬歸爲田里榮朝野同稱嘆園綺鬱齊名長衢  
軒蓋集飲餞出西京時屬春陽節草木已含英



洛川當盛宴斯焉爲達生

送蘇評事

季弟仕譙都元兄坐蘭省言訪始忻忻念離當  
耿耿嵯峨夏雲起迢遰山川未登高望去塵紛  
思終難整一作聲

送李侍御益赴幽州幕

二十揮篇翰三十窮典墳辟書五府至名爲四  
海聞始從車騎幕今赴嫖姚軍契闊晚相遇草  
感遽離群悠悠行子遠眇眇川塗分登高望燕  
代日夕生夏雲司徒擁精甲誓將除國氛儒生

幸持斧可以佐功勳無言羽書急坐闕相思文

自尚書郎出爲滁州刺史

留別朋友  
無示諸弟

少年不遠仕秉笏東西京中歲守淮郡奉命乃  
征行素慙省閣姿况忝簪竹榮効愚方此始顧  
私豈獲并徘徊親交戀恰恨昆友情日暮風雪  
起我去子還城登塗建旌旗勒駕望承明雲臺  
煥中天龍闕鬱上征晨興奉早朝玉露霑華纓  
一朝從此去服膺理庶曠皇恩儻歲月歸復厠  
群英

送元錫揚凌



荒林翳山郭積水成秋晦端居意自違况別親  
與愛歡遙慊未足離燈情已對還當掩郡閣佇  
君方此會

送楊氏女

永日方慼慼出門復悠悠女子今有行大江沂  
輕舟爾輩况無恃撫念益慈柔幼為長所育幼女  
為楊氏所撫育兩別泣不休對此結中腸義往難復留  
自小闕內訓言早無恃事姑貽我憂賴茲託令門仁  
恤庶無尤貧儉誠所尚資從豈待一作周孝恭  
遵婦道容止順其猷離別在今晨見爾當何秋

居閑始自遣臨感忽難收歸來視幼女零淚緣  
纓流

送中弟

一云送崔肅懿

秋風一作氣入疎戶離人起晨朝山郡多風雨西  
樓更蕭條嗟予淮海老送子關河遙同來不同  
去沉憂寧復消

寄別李儋

首戴惠文冠心有決勝籌翩翩四五騎結束向  
并州名在相公墓一作府丘山恩未酬妻子不及  
顧親友安得留夙昔同文翰交分共綢繆忽枉



別離札涕淚一交流遠郡卧殘疾一作涼氣滿  
西樓想子臨長路時當淮海秋

送倉部蕭員外院長存

襍被蹉跎老江國情人邂逅此相逢不隨鴛鴦  
朝天去遙想蓬萊臺閣重

送王校書

同宿高齋換時節共看移石復栽杉送君江浦  
已惆悵更上西樓望遠帆

送丘員外還山

長棲白雲表暫訪高齋宿還辭郡邑誼歸泛松

江渌結茅隱蒼嶺伐薪響深谷同是山中人不  
知往來躅靈芝非庭草遼鶴委一作池鷺終當  
署里門一表高陽族

奉訓使君送歸山之作 丘丹

側聞郡守至偶乘黃犢出不別桃源人一見經  
累日蟬鳴念秋稼蘭酌動離瑟臨水降麾幢野  
艇纔容膝參差碧山路日一作月送江帆疾涉海  
得驪珠棲梧慙鳳質媿非鄭公里歸掃蒙籠室

重送丘二十二還臨平山居

歲中始再覲方來又解携絕留野艇語已憶故



山棲幽澗人夜汲深林鳥長啼還持邵齋酒慰  
子一作霜露淒

奉詔重送歸山

丘丹

賣藥有時至自知往來踈遽辭池上酌新得山  
中書步出芙蓉府歸乘轂鯨車猥蒙招隱作豈  
媿班生廬

送鄭端公第移院常州

時瞻憲臣重禮為內兄全公程儻見青私愛信  
不憊况昔陪朝列今茲俱海壖清觴方對酌一作  
燕天書忽告遷豈徒咫尺地使我心思綿應當

自此始歸拜雲臺前

送房杭州孺復

專城未四十暫謫豈蹉跎風雨吳門夜惻愴別  
情多

送陸侍御還越

居藩久不樂遇子聊一欣英聲頗籍甚交辟迺  
時珍繡衣過舊里驄馬輝四鄰一作光輝敬恭  
尊郡守戡簡具州民謬忝誠所媿思懷方見申  
置榻宿清夜加籩醖良辰遵塗還盛府行舫遶  
長津自有賢方伯得此文翰賓



聽江笛送陸侍御

同丘負外賦題

遠聽江上笛臨觴一送君還愁獨宿夜更向郡齋聞

同前

丘丹

離樽聞夜笛寥亮入寒城月落車馬散悽惻主人情

送丘負外歸山居

郡閣始嘉宴青山憶舊居為君量革履且願住藍輦

送崔叔清遊越

忘茲適越意愛我郡齋幽野情豈好謁詩興一相留遠水帶寒樹闔門望去舟方伯憐文士無為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸侯人鄒生乃後來英俊亦罕倫為文頗瓌麗稟度自貞醇甲科推令名延閣播芳塵再命趨王畿請告奉慈親一鍾信榮祿可以展歡欣昆弟俱時秀長衢當自伸聊從郡閣暇羨此時景新方將極娛宴已復及離辰

一作燕後乃離辰一云燕後

省署



慙再入江海綿十春今日閩門路握手子歸秦

送豆盧策秀才

歲交冰未泮

一作冰始泮又作冰泮

地卑海氣昏子有京

師遊始發吳閩門新黃含遠林微綠生陳根詩  
人感時節行道當憂煩古來濩落者俱不事田  
園文如金石韻豈乏知音言方辭郡齋榻為一作  
已酌離亭罇無為倦羈旅一去高飛翻

送王卿

別酌春林啼鳥稀雙旌背日晚風吹却憶回來  
花已盡東郊立馬望城池

送劉評事

聲華滿京洛藻翰發陽春未遂鵷鴻舉尚為江  
海賓吳中高宴罷西上一遊秦已想函關道遊  
子冒風塵籠禽羨歸翼遠守懷交親况復歲云  
暮凜凜冰霜辰旭霽開郡閣寵餞集文人洞庭  
摘朱實松江獻白鱗丈夫豈恨別一酌且歡忻  
送雷監赴闕庭

才大無不備出入為時須雄藩精理行祕府擢  
文儒詔書忽已至馬得久踟躕方舟赴朝謁觀  
者盈路衢廣筵列衆賓送爵無停迂攀餞誠愴



恨一作懷賀榮且歡娛長陪栢梁宴日向丹墀趨  
時方重右軾蹉跎獨海隅

送秦系赴潤州

近作新婚鑷白髯長懷舊卷映藍衫更欲携君  
虎丘寺不知方伯望征帆

韋蘇州集卷第四





卷之四